

Ilanngussağ 10 / bilag 10



Inatsisartut Kukkunersiuinermut Ataatsimiititaliaat
Inatsisartut Allattoqarfiat
/Maani

Namminersorlutik Oqartussanit pigineqartunut suliat ingerlasut pillugit Kukkunersiuinermut ataatsimiititaliap apeqqutai

27-10-2021
Suliap nr. 2021 - 268
Dok. nr. 9318566

Asasara Kukkunersiuinermut Ataatsimiititaliaq,

Aallarniutigalugu Ataatsimiititaliaq siunersiuinissamut aggersaaneranut kiisalu ingerlatseqatigiiffinnut Namminersorlutik Oqartussanit pigineqartunut, ilanngullugit KNI A/S aamma Nukissiorfiit, Ataatsimiititaliap apeqqutaanni qulequttat saqqummiunneqartut oqaluserinissaannut periarfissiineranut qutsavigaara.

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Tassunga atatillugu Ingerlatseqatigiiffiit Allattoqarfiat KNI A/S-imi aqutsisunut saaffiginnippoq apeqqutinullu ingerlatsinermut ingerlatseqatigiiffimmullu immikkut tunngassuteqartunut oqaaseqaateqaqqullugit.

- 1. KNI A/S ukiut siuliini naatsorsuutini kukkunernik arlalinnik nassaarpoq. Sulisunik soraarsitsisoqassanngitsoq KNI A/S-imi pisortaq oqarpoq, Naalakkersuisullu Siulittaasuat oqarluni 112 mio. koruuninik amigartooruteqarneq nioqqutissat akitsorneqarnerisigut innuttaasunut kinguneqassanngitsoq. Tamanna Naalakkersuisunit qanoq qulakkeerneqassava?**

Naalakkersuisut ingerlatseqatigiiffiup aqunneqarnerata iluarseqqinneqarnissaa pillugu ingerlatseqatigiiffiup aqutsisuinut ersarissumik kissaateqarlutik saqqummiipput, ilanngullugu saqqummiunneqarput aningaasartuutitut nalaatsinerlunermut ingerlatseqatigiiffiup inissisimaffigiligaanut atasut, nioqqutissat ulluinnarni atugassat akiisa qaffannerisigut matussuserneqas-sanngitsut.

Tamanna tunngavigalugu erseqqissassavara, aktiaatillit aammalu akisussaaffiup aalajangiisinnaatitaanerullu ingerlatseqatigiiffiup aqutsisuisa akornanni agguaganeranut tunngatillugu, ingerlatseqatigiiffiup ingerlatsilluartumik ingerlanneqarneranillu nukittorsaasumik iluarseeqqinnissaq qanoq aaqqissuusaanera, ingerlatseqatigiiffimmi aqutsisut pilersaarummik saqqummiisussatitaapput, taamaalilluni ingerlatseqatigiiffik KNI A/S pillugu inatsisartut peqqussutaat nr. 4, 6. juni 1997-imeersumi § 2-mik naammassinissinnaassalluni, tassanilu allassimavoq, "... Ingerlatseqatigiiffissuarmi KNI-mi ingerlatseqatigiiffiit nalinginnaasumik niuernermik tunngaveqarlutik quersuarniit pisiniarfinniillu niuernermik aamma allanik niuernermik tunngaveqarluni ingerlatanik

tamatumunnga atasunik siunertat malittarisassani allassimasut naapertorlugit ingerlatsissapput".

Tamanna tunngavigalugu, nunatsinni innuttaasut, sumiiffinni kiffartuussinissamut isumaqatigiissuteqarfiusuniittut, pisariaqartumik sullinneqarnissaasa qulakkeernissaanut ingerlatseqatigiiffiup tunisassiornerata ilai sorliit inatsisit aallaavigalugit kiffartuussinissamut isumaqatigiissummik tunngavissinneqassanersut, ingerlatseqatigiiffimmut ataqatigiissumik isummertoqassaaq.

2. KNI-mi pisimasup assinganik pisoqaqqinnginnissaa qanoq Naalakkersuisunit qulakkeerneqassava?

Siunissami uukapaatitsiniarnissamut imaluunniit allatut ilusilimmik peqquserlunniansinnaanernut periarfissat annikillisinniarlugit, aktiaatileqatigiiffinnut Namminersorlutik Oqartussanit pigineqartunut angisuunut kukkunersuinerlutik ingerlatseqatigiiffinnik marlunnik atuutsitsilernissaq Naalakkersuisut siunertaraat. Taamaaqataanik pisoqaqqinnginnissaa Naalakkersuisut tamakkiisumik qulakkeersinnaanngilaat, kisianni erseqqissarsinnaallugu ingerlatseqatigiiffiit taakkualu aqutsisui inatsisinik atuuttunik malinninnissamut pisussaaffeqartut aammalu maleruagassiivigineqartut.

3. Ingerlatseqatigiiffiit allat aningaasaqarnerannik misissuinissamik pilersaaruteqartoqarpa, soorlu assersuutigalugu Royal Greenland A/S, Air Greenland A/S imaluunniit allat?

Naalakkersuisut maannakkorpiaq ingerlatseqatigiiffinni Namminersorlutik Oqartussanit pigineqartuni angisuuni immikkut ittumik kukkunersuinerlutik ingerlatsinissamik isumaliutersuuteqarput. Naalakkersuisut ingerlatseqatigiiffinni allani assingiusumik pisoqarnissaanik naatsorsuuteqarnerat tamatumunnga pissutaanngilaq, kisianni ingerlatseqatigiiffinni nalinginnaasumik tutsuiginassuseqarnerup qulakkeernissaanut aalajangiusimaannarnissaanullu tamanna naapertuussorineqarluni. Naalakkersuisut taamatuttaaq piginnittut politikkiannik nutaamik suliaqarput, tassani qulequttat soorlu "Aarlerinaataasunik aqutsineq aammalu suliffiup iluani nakkutiginninneq", "Naatsorsuutini saqqummiisarneq", "Kukkunersuineq aammalu kukkunersuineq attaveqarneq", kiisalu "whistleblowerinut aqqissuussinerit" ukkatarineqarlutik.

4. Piginnittuunerup isumagineqarnissaanut atatillugu siulersuisut allattoqarfianiit misissuisoqarpa?

Naamik, Ingerlatseqatigiiffinnut Allattoqarfik naatsorsuutini misissugaannik tigusilluni suliaqartanngilaq. Naalakkersuisut aktiaatileqatigiiffinni Namminersorlutik Oqartussanit pigineqartuni piginnittuunermik allaffissornikkut aqutsinerat aktiaatillit, siulersuisut aammalu ulluinnarni aqutsisut akornanni aalajangiisinnaatitaanerup agguagaaneranut naapertuuttumik aqqissuunneqartarpoq, taamaalilluni ingerlatseqatigiiffinnut inatsimmi nassuiarneqartut ingerlasoqarluni. Ulluinnarni aktiaatileqatigiiffinnik Namminersorlutik Oqartussanit pigineqartunik ulluinnarni oqaloqateqartarneq Ingerlatseqatigiiffinnut Allattoqarfimmi isumagineqarpoq. Ingerlatseqatigiiffinnut Allattoqarfiup Naalakkersuisut Siulittaasua aktiaatileqatigiiffinni ataasiakkaani pissutsit aammalu

anigaasaqarnikkut ineriartorneq pillugu ilisimannilluarnissaata qulakkeernissaa suliaraa. Ingerlatseqatigiiffinnut Allattoqarfiup ingerlatseqatigiiffiit Namminersorlutik Oqartussanit pigineqartut arlaanni pissutsinik naapertuutinngitsoqartoq ilisimalerpagu, Naalakkersuisut Siulittaasuata ilisimatinnissaa, taamatullu pisoqartillugu suliap imaluunniit pissutsit misissorneqarnissaannik aallartitsisoqarnissaata qulakkeernissaa, Ingerlatseqatigiiffinnut Allattoqarfiup suliasaraa pisussaaffigalugu.

5. Kukkuersiuisut aammalu suliffeqarfiit namminneq kukkuersiuiernermit ataatsimiititaliaasa suliai suliarineqartartut pillugit suli tatiginnittoqarpa?

KNi A/S-imi pissutsinik misissuineq qulaajaanerlu suli ingerlavoq, tassami naatsorsuutitigut uukapaatitsiniaaneq ingerlasimasoq paasiuminaatsutut isikkoqarsimammatt. Naalakkersuisut isumaqarput KNi A/S-imi ulluinnarni aqutsisut piffissami naatsorsuutitigut uukapaatitsiniaasoqarnerani pisut ilaanni akisussaaffitsik isumagisimannikkaat, tamannalu aamma Deloitte Nuuk-mut ingerlatseqatigiiffiup avataaneersutut kukkuersiuisuatut pisimarpasippoq. Naalakkersuisut tikkuarpaat illuatungeriit suliasaq nuanninngitsoq ilinniarfigissagaat pingaaruteqartoq, aamma Naalakkersuisut suliasaq ilungersunartorujussuurtut isigigaat aammalu siulersuisut sulinertik pisussaaffigisartik ingerlakkaat naatsorsuutigalugu.

6. Whistleblowerinut aaqqissuussaqarnerit erseqqissarneqarnissaannut qanoq iliortoqassava? Sulisut kinaassutsiminnik isertuussinissaannut qanoq qulakkeerinnittoqassava?

Naalakkersuisut ingerlatseqatigiiffinnut Namminersorlutik Oqartussanit pigineqartunut piginnittut politikkiannik nutaamik suliaqaleruttorput, tassani aalajangersimasumik ingerlatseqatigiiffinni whistleblowerinut aaqqissuussinerup pilersinneqarnissaa ersarissuunissaalu sulissutigineqarluni, tassani piginnittut politikkiannut missingiummi allassimalluni "...Naalakkersuisut piginnittut politikikkut isumaqarput whistleblowerinut aaqqissuussinerit tutsuiginassuseqarnerunissamut ersarinnerunis-samullu iluaqutaasinnaasut. Taamaattumik ingerlatseqatigiiffiit Namminersorlutik Oqartussanit pigineqartut whistleblowerinut aaqqissuussinermik, assersuutigalugu ingerlatseqatigiiffiup intranet-iani iserfigiuminartumik pilersitsinissamik isumaliuter-suuteqassasut inassutigineqarpoq".


7. Nukissiorfiit avataaniit misissorneqarnissaa Naalakkersuisut pilersaaruteqarpat?

Siusinnerusukkut Naalakkersuisuuusimasut Nukissiorfiit 2020-mut naatsorsuutaannik akuersissuteqarnerminnut atatillugu Nukissiorfiit kukkuniisunit misissuiffigineqarnissaa aallartitippaat. Naalakkersuisut misissuineq taanna tiguppasuk misissoreerpassullu, suliniutissaasinnaasut suut aallartinneqassanersut isummerfigineqassaaq. Naalakkersuisut inernera tiguneqareerpat taakkua pillugit ataatsimiititaliamut ilisimatitsissuteqassapput oqaloqateqassallutillu. Ilanngullugu oqaatigissavara Nukissiorfiit ingerlanneqarnera aqunneqarneralu pillugu, misissuineq qulaani taaneqartup inerneri apequtaatinnagit, misissuisoqarnissaa siunniutereeratsigu.

Inussiarnersumik inuulluaqqusillunga



Múte Bourup Egede



INATSISARTUT

Naalackersuisut Siulittaasuat

Ulloq: 20-10-2021

J.nr.: 01.32.04-00006

Ataasinngornermi ulloq 25. oktober 2021 nal. 13.00 ataatsimiittarfik Erling Høeghimi Kukkunersiuinermut Ataatsimiititaliarlu siunersiuinissamut aggeqqusissut

Matumuuna Naalackersuisut Siulittaasuat siunersiuinissamut Kukkunersiuinermut Ataatsimiititaliamit aggersarneqarpoq.

Tulliuttutigut allaqqasut siunersiuinermi eqqartorneqassasut ataatsimiititaliamit kissaatigineqarpoq: Namminersorlutik Oqartussat ingerlatseqatigiiffiutai.

- 1) KNI A/S ukiut siuliini naatsorsuutini kukkunernik arlalinnik nassaarpoq. Sulisunik soraarsitsisoqassanngitsoq KNI A/S'imi pisortaq oqarpoq, Naalackersuisullu Siulittaasuat oqarluni 112 mio. koruuninik amigartooruteqarneq nioqqutissat akitsorneqarnerisigut innuttaasunut kinguneqassanngitsoq. Tamanna Naalackersuisunit qanoq qulakkeerneqassava?
- 2) KNI-mi pisimasup assinganik pisoqaqqinnginnissaa qanoq Naalackersuisunit qulakkeerneqassava?
- 3) Ingerlatseqatigiiffiit allat aningaasaqarnerannik misissuinissamik pilersaaruteqartoqarpa, soorlu assersuutigalugu Royal Greenland A/S, Air Greenland A/S imaluunniit allat?
- 4) Piginnittuunerup isumagineqarnissaanut atatillugu siulersuisut allattoqarfianiit misissuisoqarpa?
- 5) Kukkunersuisut aammalu suliffeqarfiit namminneq kukkunersiuinermut ataatsimiititaliaasa suliai suliarineqartartut pillugit suli tatiginnittoqarpa?
- 6) Whistleblowerinut aaqqissuusaqarnerit erseqqissarneqarnissaannut qanoq iliortoqassava? Sulisut kinaassutsiminnik isertuussinissaannut qanoq qulakkeerinnittoqassava?

Suliffeqarfiit namminersortitat.

- 7) Nukissiorfiit avataaniit misissorneqarnissaannik Naalackersuisut pilersaaruteqarpat?

Naalackersuisumik apersuinermini malitseqartitsissutinik apeqquteqarnissani ataatsimiititaliap naatsorsuutigaa.

Ataatsimiititaliap Naalackersuisumik siunersiuinerata Naalackersuisup ataatsimiititaliallu akornanni pingaarnersiuilluni tullerriaarinerit anguniakkallu pillugit naalackersuinerumut tunngasumik oqaloqatigiinnertut sapinngisamik iluseqartinneqartarnissaa ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit siunersiuinermut atatillugu allakkiamik kalaallisut danskisullu siunersiuinerup kingorna pissarsisinneqarnissani ataatsimiititaliap kissaatigaa. Allakkiaq siunersiuinerup kingorna uunga nassiateqquneqarpoq: stquo@inatsisartut.gl. Allakkiamik nassartoqassappat siunersiuinermilu tamanna atorneqassappat siunersiuinerup aallartilernerani assilineranik Ataatsimiititaliap nutserisuanut tunniussisoqarnissaa kissaatigineqarpoq.

Inussiarnersumik inuulluaqqusillunga



Mariia Simonsen

Kukkunersiuinermut Ataatsimiititaliap Siulittaasua